

Als Dank nur Jodlerteen

S`isch wäg der Ruäh,
ziähts mich zur Fluäh (ja Fluäh)
Dui findsch mi Platz bim Bärghryz zuä (ja zuä)
Chumm gniäss mit miär ja miär diä Alpäwält (ja Wält).
Dr Bärgh schänkt das, was ys grad fählt (ys grad fählt)

Refrain:

Ich find als Dank nur Jodelteen, de yses Land isch so ärdäscheen.
Chor: Ich find als Dank ja Dank nur Jodelteen, de yses Land isch so ärdäscheen.

Jodel

Äs Liftli gaht s`isch eister still (ja still)
Im Tal isch s`Läbä luit und schrill (ja schrill)
Ha Zyt fir mich ja mich und mini Fluäh (mi Fluäh)
Nur Gloggäglyt und suscht ei Ruäh (ja ei Ruäh)

Refrain

Jodel

Bi eppä da zur Morgästund (ja Stund)
Präzis bevor dass d`Sunnä chund (ja chund)
Ich sendä Freid ja Freid als hellä Strahl (als Strahl)
Mim Derfli und mim gliäbtä Tal (ja mim Tal)

Refrain

Jodel